

Ino Ine Nshita Tuleteka Pamo Na Kristu!

Abena Roma 5:17, “Pantu ica kupuluka ca muntu umo nga calengelwe imfwa iteke pa mulandu wa ulya umo; pali bufi abapokelelo bwingi bwa kusenamina ne ca bupe ca bulungami ba kateka mu mweo pa mulandu wa umo, Yesu Kristu.”

“Kabili Ena ali tulenga ukuba imfumu na ba shima pepo kuli Lesa Wakwe kabili Wishi; kuli Wene kube ubukata na bukateka umuyayaya umuyayaya. Amenii.” (*Ukusokolola 1:6*). **“Ena alitulenga ifwe!”** Owe, kuliko ifishinka fimo ifyo tulingile ukukomaila. Ici ni cimo ica fyena. ENA! Ena ali tulenga ifwe! **Ipusukilo ku bomba Kwakwe.** Ipusukilo lya kwa Shikulu. Fyonse kusenamina. **Ena atulubwile ifwe pe pange.** Ena atushitile ifwe pe pange. **Ifwe tuli sha mfumu, isha mfumu sha bumupashi** (*1 Petro 2:9-10*). Owe, **ifwe tukesha ba isha mfumu pe sonde pamo Nankwe ilyo Ena akekala pa cipuna ca bufumu Cakwe** (*Ukusokolola 3:21*). **Lelo nomba ifwe tuli isha mfumu sha bumupashi kabili ifwe tuleteka pa bufumu bwa bumupashi.**

[1]

Ubufumu bwa kwa Lesa te bwa ili sonde. **Ubufumu bwa kwa Lesa bwaba mu mitima yesu. Bwena Bufumu ubwa bumupashi, ubo ifwe tu fyalwamo muli Bwena.** Yesu atile, “Ubufumu bwa kwa Lesa bwisa, lelo te kwabula kulwisha” (*Mateo 16:16*). “Kabili Ubufumu bwa kwa Lesa buli muli imwe” (*Luke 17:21*). **Mupashi wa Mushilo, Ubufumu bwa kwa Lesa, ukwenda mu muntu, no kuteka no ku mutungulula, bulya e Bufumu.** [2]

Nomba, ilyo Adamuu abembwike pa ku mfwila ukwelenganya kwa mukashi wakwe, mu cifulo ca kwikatilila ku Cebo ca kwa Lesa, cilya e calengele Adamuu ukubembuka. Umukashi wakwe aelengenye na Satana, elyo kabili aletele icipe kuli Adamuu, kabili Adamuu ali lekeleko ku Cebo no kushitisha. **Ena alufishe icabupyani cakwe ilyo alufishe isenge lyakwe ne nsambu ku Mweo.** Ibukisheni, “ubushiku mukalyako, bulya bushiku mu kafwa.” (*Ukutendeka 2:17*). **Kabili ilyo alufishe Ubumi bwakwe, na cimbi ena alufishe ica bupyani cakwe mu bumi, pantu ena ali kwete ukutungulula ukwa pulamo mu kupwililika ukwa ili sonde.** Ena ali umulungu uwa ili sonde. **Lesa ni Lesa uwa mu myulu, ukuli konse. Lelo**

umwana Wakwe akwete ili sonde mu butungulushi bwakwe umwine. Ena kuti alanda; ena kuti ainika; ena kuti asosa; ena kuti aiminika ifya ci fyalilwa; ena kuti acita icintu icili conse ico alefwaya ukucita. Mwamona? **Lelo ilyo ena acitile cilya, ena alufishe icabupyani cakwe.** [3]

Kabili mu Bena Kolose 1:13, “*Uwatupokolwele ku lupaka lwa mfimfi, no kutupilibwila mu bufumu (ukuteka) bwa Mwana Wakwe Uwatemwikwa.*” Ino ine nshita tuletaka pamo na Kristu, uku kwata bu kateka pa lubembu, isonde, umubili, kabili ne ciwa. Ukulangisha amalumbo Yakwe no bukata; **ukuilangisha Umwine, pantu ni Kristu muli ifwe (Abena Kolose 1:26-27)**, ukufwaya no kucita ifya busuma Bwakwe. **Ee, mucine, nangula ni nomba ifwe na twikala mu ncende sha mu myulu muli Kristu Yesu (Abena Efese 2:6).** “Kabili atulenga ba shimapepo.” Ee, bashimapepo kuli Wene, **ukupela amalumbo aya bumupashi aya milomo iya sanguluka.** Ukwikala ubumi bwesu nge cakunika icawama kuli Wene. **Ukupepela Wene mu Mupashi kabili na mu cine (Yohane 4:23-24).** Ukupapatila no kulomba (Abena Roma 8:26-27). **Bashimapepo kabili ishamfumu kuli Lesa wesu.** E mulandu wine isonde talitutemuna kabili tuli abantu abaibela abacincila ku **milimo iisuma (Abahebere 10:23-24).** Ifwe twalilengwa cipya cipya muli Wene ukuba abana abapala kuli shifwe. [1]

Nomba, cipuna ica bufumu icakubalilapo cali mu Mulu, icipuna ca bupingushi. Icipuna ica bufumu ica cibili cali muli Kristu. **Icipuna ca bufumu ca citatu caba mu muntu.**

Nomba, **umuntu ni cinshi? Ena aba icibumbwa ica fitatu;** umubili, umweo, no mupashi. Ni banga abaishiba cilya? Moneni ukupalama kwa kwa Lesa. Ni cinshi umutima wakwe? Muleibukisha imbila yandi, **Lesa asalile Umutima wa Muntu ukuba Ulupungu Lwakwe Ulwa Kutungulwilamo? Ciwa asalile umutwe wakwe ukuba ulupungu lwakwe ulwa kutungulwilamo;** mwamona, ena alamulenga wene ukumona ifintu, ukulolekesha ukupitila mu menso yakwe. Lelo Lesa mu mutima wakwe alalenga wene ukucetekela ifintu ifyo ena teti amone (Abahebere 11:1, 6). Mwamona, Lesa ali mu mutima wakwe, **mu mutima wa muntu e mwaba icipuna ca bufumu ca kwa Lesa.** Muleufwa ici? Umuntu! Lesa alengele Icipuna Cakwe ica bufumu mu mutima wa Muntu. Iciputulwa ica kubalilapo ca muntu caba mubili. Iciputulwa icikonkapo caba **mweo wakwe, ico icaba icifyalilwa ica mupashi wakwe ico icilenga wene ukuba ifyo ena aba.** Ena alapalama. Nomba, iciputulwa ica citatu ca muntu caba umupashi wakwe, kabili umupashi wakwe waba mukati ka mutima wakwe, **kabili mukati ka mutima emo Lesa esa ku Cipuna ca bufumu.**

Ena naikala ku kuboko kwa ku kulyo kwa kwa Lesa pa cipuna ca bufumu ca kwa Lesa (*Abena Roma 8:34*). Cilya te cipuna Cakwe ca bufumu. Ena akesa bwela ku kuteka pa cipuna Cakwe ca bufumu; **cena cipuna ca bufumu cakwa Dabidi; Ena akasenda icipuna Cakwe ca bufumu.** Ena naikala pa cipuna ica bufumu cakwa Lesa (*Ukusokolola 3:21*), ukulolela mpaka umulwani wa kulekelesha alengwa icakunyantapo ulukasa Lwakwe (*Abena Filipi 2:5-11*). Ena akabwela ubushiku bumo, **ukuleta imyeo iyawama pamo Nankwe ukwisa senda ukukanafwa, ukwikala mu mubili uwa cindama, ukwikala mu millenium, elyo kabili umuyayaya pamo Nankwe.** [5]

Lolekesheni, Kristu muli imwe alenga Wene ishintililo lya Bumi ubwa ku sokolola. Mwamona? Ubumi bwakwa Kristu muli imwe cilenga wene ishintililo lya kusokolola (*Abena Kolose 1:26-28*). Kristu, muli Baibele, cilenga baibele ukuba ubusokololo bonse bwa kwa Kristu. **Kristu muli imwe cilenga imwe ukuba ubusokololo bonse ubwa cintu conse,** mwamona, **ifyo Lesa aleesha ukucita.**

Ni cinshi Ukufyalwa cipya cipya kanshi? Imwe kuti mwasosa, “Cisuma, **ni cinshi Ukufyalwa cipya cipya?**” **Caba ubusokololo bwa kwa Yesu Kristu kuli imwe bene.** Amenii! Mwamona? Tacili imwe ukuilunda ku lukuta, mwaliposhenye mu minwe, imwe mwali cita icintu cimo ica pusana, imwe mwali sosa icisumino, imwe mwalilaile ukwikalila ku mafunde aya tantikwa. **Lelo Kristu, Baibele, ena e Cebo ico icasokolwelwe kuli imwe.** Kabili te mulandu ifyo umuntu umbi alesosa, ico icilecitika, caba ni Kristu; kacema, shimapepo, conse ifyo cingaba. **Ni Kristu muli imwe, bulya busokololo ubo Ulukuta lwa kulilwapo** (*Mateo 16:17-18*). **Kabili ilyo Icebo casokololwa, Cena cilailangisha Icine.**

Ukufyalwa cipya cipya ni Kristu, caba busokololo. Lesa na sokolola kuli imwe iyi nkama ikalamba, kabili kulya ku fyalwa cipya cipya. Nomba ni cinshi ico muli no kucita ilyo mwaleta lilye bumba lyonse capamo, uko ubusokololo bwaba ubwaampama umupwilapo, kabili Lesa ukulangisha cena ukupitila mu Cebo Cakwe ku micitile imo ine, ifintu fimo fine ifyo Ena acitile, ukulenga Icebo ukumonekela! **Owe, ngo Lukuta kuti lwaishiba fye icifulo caluko! Lukacita, ubushiku bumo. Lyena Ukusendwa kukabapo ilyo lwena lwaishiba ifyo cena caba.** [6]

Ifwe bonse twali cetekela mu kwisa kwa kwa Shikulu, ukutila ukwisa Kwakwe kuli mupepi. Ifwe tulecetekela kwena kuli mupepi nomba. Ifwe ta twaishiba fye ni nshita nshi ku kaba ilyo Ena akafika. Mukumona ici, ifwe

tulefwaya ukubikako amano yonse ayo twaishiba ifyo cingaba, **ukutwala pa ntanshi Ubufumu no kuleta ulyo muntu wakulekelesha ukupusushiwa mu Bufumu** (1 Abena Korinti 12:13). Kabili ilyo uwa kulekelesha apusushiwa, takwakabe naumbi ukashalapo. Kukaba fye abengi nganshi. **Kabili ilyo uwakulekelesha akaletwamo, Umubili wa kwa Kristu wapwishiwa, Ukusendwa kukesa.**

Kabili **e ico ifwe tulekabila bulya bushiku, ukufuma muli ino ncende** apo tubelele nombamba, pantu cena mu cine ni ng'anda ya bulwele, ifwe twalishiba cilya, **iya isulamo amalwele, ubulwele, ne fya kupapusha, na mafya** (Abena Filipi 3:20-21). Kabili, mwe, nani uwinga fwaya ukwikala kuno, ilyo kuliko **incende iyawama** iyabefi iya kuyako? (11 Abena Korinti 5:1-8).

E ico ifwe tuleesha ukuleta umweo onse mukupusushiwa, pa kutila Yesu engesa. Kabili Ena teti ese mpaka ulya uwa kulekelesha uyo uwakwataishina mwi Buku Iya Mweo, lilye lya bikilwe mulya ilyo umufula we sonde taulalengwa (*Ukusokolola* 13:8); ilyo lilye shina lya itwa, ulya e umo uwa kulekelesha lyena. Ena aishile mukulubula, ukubweshwa. **Ukulubula caba “ukubweshwa.”** Kabili ilyo Ena akaletamo uwa kulekelesha...**Ena naikala ku kwa kulyo kwa kwa Lesa, ilelo, ukubomba umulimo Wakwe uwa ku papatila** (*Abahebere* 4:14-16). Kabili ilyo umweo wakulekelesha wapusushiwa, uyo uwalubwilwe, kabili wali mwenwe no kwishibikwa na Lesa ilyo umufula we sonde taulalengwa; **ilyo ulya mweo wa kulekelesha wa pusushiwa, cilya cikesala Ibuku. Lyena Umwana wa mpaanga akesa, no kusenda Ibuku ukufuma mu kuboko kwa kulyo ukwa Wene uyo uwaikala pa Cipuna ca bufumu** (*Ukusokolola* 5:6-10). Ena aleisa lyena, **Ena aleisa pe sonde.** [7]

Ena aleshininkisha cena...**ena alepwile umubili wa kwa Yesu pakati, ukusenda Umupashi, aimishe umubili ku kwa kulyo kwa cipuna ca bufumu cakwa Lesa; no kutuma panshi iciputulwa cimbi, iciputulwa Ena alepwile ko, Umupashi pali ifwe, uyo uwitwa Mupashi wa Mushilo. Kabili Umweo wine uwali muli Kristu uli muli imwe, cilya cilelangisha Ena ni Kalubula wenu.** Ena ali muleta muli Lesa, kabili nombamba ifwe tuli bana baume na bana banakashi bakwa Lesa, no mupashi wa kwa Kristu (*Abena Roma* 8:15-16; *Abena Galatia* 4:1-7). Amenii. [8]

Mwamona, ifintu fyonse muli Baibele fyaba **muli fitatu.** Mwalishiba cilya. Natile, “Imwe muli patatu: umweo, umubili, no mupashi.” **Imwe mwikala muli fitatu; kicini, icipinda cakwikalamo, kabili ne cipinda cakulalamo.** Imwe limbi kuti mwakwata cine konse konse atemwa ifipinda ikumi ifya pusana pusana, **lelo imwe mwikala fye mu fipinda fitatu.** Lesa, Tata,

Mwana, na Mupashi wa Mushilo muli fitatu. **Kabili ifwe tulesanga ukutila ukwisa kwa kwa Kristu kwaba muli fitatu. Ena aishile intanshi ku kulubula na Bwinga Wakwe, akesa nakabili ukupokelela Nabwinga Wakwe, aleisa icilekonkapo pamo na Nabwinga Wakwe, nge Mfumu na Namfumu, ukuteka monse mu millennium (Ukusokolola 19:11-16).** Namwishiba cilya. Ifintu fyonse fyaba muli fitatu. Kabili twaba patatu, ifwe twalikwata **umubili ufwa, umubili wa mu mulu, kabili lyena umubili uwa cindamikwa. Intamfu shitatu shila tubwesa ku kupwililika kwesu na kabili nga filya mu Edeni.** [9]

Ilyo Ena akesa **nomba, Ena ni Shimapepo.** Ilyo Ena ali pano pe sonde, **Ena ali ni kasesema, Kasesema wa kwa Lesa.** Nomba ena asendele Umulopa Wakwe Umwine no kuya kuli Tata (*Abahebere 9:11-14*), ico icilemulenga **Wene Shimapepo.** Ilyo Ena akabwela Ena akaba **Imfumu** kasesema, shimapepo, ne Mfumu. Ena ali kasesema wa kwa Lesa, Ena ali ni kapumpe. Ena ali ni Shimapepo wakwa Lesa, Ena ali Mwana wa mpaanga. **Ilyo Ena akesa, Ena akaba ni Nkalamo (Ukusokolola 10:1-3), Mfumu,** (umukowa wa Yuda) **ku kuteka.** [10]

Nani ulya umo uli no kubyala ilya mbuto ya lulya ulukuta lwa nshita ya mpela? Ilikwisa ilye mbuto iipisha, ulya Eliya uwalaiwe? Kabili lilya line panuma ya nshiku shakwe ubucushi ubukalamba bukesamo no koce sonde.

Kabili lyena pakwisa kwa lukuta kabili na Bwinga, Nabwinga na Kristu bakesa nyanta pa mito yabo mu Millenium (Malachi 4:1-3), ilyo isonde likasangululwa no mulilo. Kabili kulya bakateka. **Kabili abasenshi abashatala umfwapo Imbila nsuma bakesa bushiwa muli ilya nshita, kabili abana bakwa Lesa bakasokololwa (Abena Roma 8:19-23). Nga ena ali no kuteka, ena alingile ukukwata icintu cimo ica kuteka; ena nakwata ubufumu.** “kabili bena batungulwile no kuteka pamo na Kristu,” (11 Timoti 2:11-13), kabili Kristu ali tekele, ne nkoto ya cela, inko (*Ukusokolola 2:26-28*). **Lyena abana bakwa Lesa abasokololwa no lupaka nga filya Ena akwete ilyo Ena ali pano, kulya ku kesa Millenium muli kulyo kuteka (Esaya 65:17-25; Abena Roma 8: 18-21; Ukusokolola 20:4-6).** [11]

Umulandu waba mu bena Roma 8:17-18,

“Kabili nga tuli bana, ninshi tuli impyani, impyani shakwa Lesa, impyani shinankwe sha kwa Kristu; nga cine cine tule culila pamo Nankwe, ukuti no ku cindamikwa tukacindamikilwe pamo nankwe. Pantu ndetila ubucushi bwanshita ino ta buyene ukulingwa ku bukata ubukasokololwa muli ifwe.”

Kano fye twacula pamo Nankwe ifwe teti tuteke pamo Nankwe. Mulingile ukucula ku kuteka. Umulandu wa ici waba **ukutula imisango**

iisuma taipangwa ukwabula ukucula. Imisango iisuma caba kucimfya, te cabupe. Umuntu uwabula imisango iisuma teti ateke pantu amaka ukwabula imisango iisuma yabu satana. Lelo amaka ne misango iisuma yalilinga ukuteka. Kabili apo Ena afwaya ifwe ukwakana nangula icipuna Cakwe ca bufumu pa mulingo umo wine uo Ena acimfishemo mu cipuna ca bufumu cakwa Wishi, lyena ifwe tulingile ukucimfya ukwikala pamo Nankwe. **Kabili ukucula kwa pa kashita akanono uko tulepitamo nomba teti kube ukwalinga ukupashanya ku bukata ubwa pulamo ubo ubukasokolwelwa muli ifwe ilyo Ena akesa (11 Abena Korinti 4:17-18).** Owe, ifyo caba icuma ico icabikilwa abo abafwaya ukwingila mu bufumu bwakwe ukupitila mu bucushi ubwingi (*Imilimo ya Batumwa 14: 22*). [12]

Nomba, mu Kusokolola 3:21, tulebelenga ifi:

“Kuli Uyo akacimfya nkamupela ukwikala na ine pa cipuna candi ica bufumu, ifyo na ine nacimfishe, no kwikala pamo na Tata mu cipuna cakwe ica bufumu. Ukwete ukutwi, omfwe ico Umupashi ulesosa ku nkuta.”

Bushe na mumona ubutantiko bwa ici? “Ukwikala na **Ine** mu cipuna Candi ca bufumu,” tacili “pa cipuna Candi ca bufumu.” “**Mu cipuna Candi ca bufumu,**” cilya ni mu bufumu **Bwakwe**. Kabili nomba, nge fyo **Kristu** e kateka, **Kateka wa pa cipuna ca bufumu pali ino nshita**, uwa bufumu bonse ubwakwa Lesa, efyo Ulukuta lukaba pamo Nankwe, **Nabwinga ukuba pamo Nankwe, mu cipuna Cakwe ca bufumu, mu mpanga yonse.** Mwamona? Tacili “pa cipuna Candi,” lelo “mu cipuna Candi ca bufumu,” mwamona, uko ubufumu Bwakwe bwafika. Icipuna ca bufumu caba pa bufumu bumo, kabili ubufumu bufika fye ukulingana fye nge fyo imipaka yaiko yaba. **Kabili iyi yaba ukufuma ku Muyayaya ukufika ku Muyayaya.** Tontonkanyeni fye pali cena! [13]

Mwamona, **Nabwinga ali pamo Nankwe mu cipuna ca bufumu.** Nge fyo akesa pingula isonde alingile ukwikala mu bupingunshi pamo Nankwe. Ici ni filya fine Daniele amwene.

Daniele 7:9-10 “Namwene fyasuka fyatekwa ifipuna, e lyo Umukote wa nshiku ne nshiku aikala, icakufwala Cakwe icabuta nge mfula ya buta, no mushishi wa ku mutwe Wakwe nga amasako ya mpaanga ayabuta tutu: icipuna Cakwe ni mingu sha mulilo, ne mipeto ya ciko mulilo uleaka. Umulonga wa mulilo ulepita no kutula pa mulola Wakwe: amakana ikana balemupyungila, na makana ikumi ukufushiwa ku makana ikumi nabeminina pa cinso Cakwe: bakapingula na bekala, na mabuku ya kupukulwa.”

Mwamona, caba icikope cimo cine, pantu amakana na ikana abalepyungila kuli Wene ni nabwinga, pantu nani upyungila ku mulume kano umukashi? [14]

Lesa atumine, pa bushiku bwa Pentecost, **Mupashi wa Mushilo ku kuteka mu mitima ya bantu no kuteka mu bumi bwabo. Ta cali umuntu ukuteka pa muntu.**

Lelo umuntu afwaya ukuteka, no kuteka pa muntu; kabili umuntu afwaya umuntu ukuteka pali wene. Ena tafwaya ukukwata Lesa ukuteka. [15]

Nomba, ilyo tulebelenga ici, ipange lyandi ilya ici talyaba fye ukwisa kuno ukukwata isenge pamo naimwe mwe bantu. Icili, nalimutemwa ukucita cilya. Lelo nga nali kwete ishuko ukucita cilya, ine kuti naisa ku ng'anda ku mwenu, no kuposhanya mu kuboko no kulanda naimwe, no kwikala panshi, no kulya icakulya cakasuba; no kwikala panshi, pe samba lya kantelelwe ka cimuti, no kulanda no kukwata isenge pakashita. Lelo ilyo twaisa muno, ifwe tuli muno kwi pange limo ilikankala. **Ino ni ng'anda ya kulungamikilwamo. Ici cipuna ca bufumu. Ici cipuna cakwa Lesa, kabili ubupingushi bulaya ukufuma mu ng'anda yakwa Lesa (1 Petro 4:17).** Kabili pano epo **ifwe twisa capamo, ukulongana mu kutemwa,** umo no mubiye, nge fyo Abenakristu bengatemwa. Lelo, muno, ifwe tuli **pa kutungululwa na Mupashi wa Mushilo.** Mupashi wa Mushilo ali mukati kesu. Kabili ifwe tuli pano ukuicencenta pakati kesu, **ukumona nipesa apo tulufyanya, ifilubo fyesu,** kabili musangonshi twinga tendeka apo tulingile ukuba, ukwisa uko tulingile ukuba nomba; apo tubelele, kabili apo tulingile ukuba. Kabili filya eflyo tu belengela. **Bakapyunga balabelenga shilye ncende, pa bantu babo. Ilyo ba mona abantu, ico babulishe,** lyena batendeka pali cilya.

Nomba, ili line, ndetontonkanya ukutila nalimo ulukuta lulingile ukusenda ulutampulo fye ulunono ukuya pantanshi pali ino nshita. [13]

Nomba nde fwaya ukusosa ukutila nalicetekela mu butungulushi (*Abena Roma 8:14*). Lelo te butungulunshi bwa bantu na cetekelamo. **Nali cetekela mu butungulushi bwa Mupashi wa Mushilo ukwisa ukupitila mu Cebo (Abena Kolose 1:18-20).** Nalicetekela na cimbi, ukutila Lesa alibika abaume mu lukuta, **abaume abo abakwata ifya bupe ku Mupashi;** kabili bena bakasunga ulukuta mu butantiko (*Abena Efese 4:11-16*). Nali cetekela cilya.

Nalicetekela na cimbi **ukutula ulukuta lulatungululwa na baume abo Lesa atuma ukutungulula. Lelo kulya ukutungulula kwaba ne Cebo,** pakutula tacili abaume mucine abaletungulula **lelo Umupashi wa kwa Lesa, pantu Icebo no Mupashi fyaba cimo.** [16]

Ifibata fikesa capamo, cila cimo ica fyena, **kabili no kushinguluka katungulula.** Mulya fikeshiba mu musango umo, nshaishiba ifyo ficitilamo cena, lelo fyena fileshiba ukutula cilya cimo icinono icibata eka tungulula. Kabili kalya akantu akanono, fyonse filesa capamo no kwisa ukushinguluka cena, no kwima ukuya fye mu lwelele. Kabili cena tacatala fumapo pali cilya icishiba nomba, lelo cili no kuya fye ukutonta fye ku Louisiana atemwa ku Texas nge fyo cingaya, kwibala lya mupunga. Mwamona, ilyo tafilaya ukupupuka, ukusha ing'anda ya fyena uko fya fyalilwe ulya umwaka, filaampana capamo. Amenii! Mwacimone co; ukukonka ukushinguluka katungulula wa fyena.

Ubwafya ubwa cena bwaba, no muntu, ena taishiba katungula wakwe. Bena bakakonka ukushinguluka icilonganino, bena bakakonka ukushinguluka Bishop atemwa umuntu, lelo bena tabakakonke ukushinguluka katungulula, Mupashi wa Mushilo kabili ne Cebo. Mwamona? Bena batila, “Owe, cisuma, ndetina ndi no kufulunganako panono; ndetina ndi no kuya mu lukasa ulwa lubana.” Owe, mwacimone co!

Inga cakutula akabata akanono kalisosele, “Nshatemwa fye umusango asungilamo amasako yakwe. Nshilecetekela ndi no kumukonka wene.” Ali no ku munina ku mfwa. Iwe ukekatwa kulya, nga tauleya ne bumba ilyo lileya. Filaampana ifine pamo, kabili icifyalilwa cilacita cilya.

Ba coso balaampana abene pamo, balalongana capamo ukushinguluka katungulula wabo; bena balacita icintu cimo cine. [17]

(Abahebere 13:7), “Ibukisheni intungulushi shenu, isha landile kuli imwe Icebo cakwa Lesa: tontonkanyeni umwaile imibele yabo, no kupashanya icitetekelo cabo.”

Shifwe uwa mu Mulu, **umulwani alebutuka. Umulwani nacimfiwa. Yesu Kristu wa mweo kabili alateka.**

Satana, na ucimfiwa ku bulwi! Yesu Kristu na kwata ukucimfya. Iwe na usokololwa. **Iwe uli fye kabepa;** kabili ifwe tulelanda pa kuboko kobe, mu kutemwa kwa Kalbale. Fuma muli aba bantu, mwi Shina lya kwa Yesu Kristu, kabili balekeleko no kubakakulula! [18]

Umwakumona:

[1] “Ukusokolola Kwakwa Yesu Kristu” CAB pg. 35-36

[2] “Ukwampana kwakwa Lesa Umo mu Lukuta Lumo” (58-1221E),

par. 45

[3] “Pakati” (63-0317E), par. 99

[4] “Ukusokolola Icipandwa ca 4, part 2” (61-0101), par. 237

[5] “Ngefyo Kapumpe Asunkanya icinsa Cakwe” (59-0815), par. E-71

[6] “Kristu Enkama Yakwa Lesa Ukusokololwa” (63-0728), par. 233-240

[7] “Kristu Eshibikwa cimo cine Munkulo Shonse” (64-0415), par. 10-12

[8] “Yehoba Yire part 1” (64-0402), par. 106

[9] “Yehoba Yire part 3” (60-0803), par. E-39

[10] “Inshita ya Lukuta lwa Tuatira” (60 12 08), par. 36

[11] “Amepusho na Masuko” (62-0527), COD pg. 723, par. 177-178

[12] “Inshita ya Lukuta Lwa Smurna,” CAB pg. 117

[13] “Bushe Kuti Nacimfya Shani” (63-0825M), par. 33-36

[14] “Inshita ya Lukuta lwa Sarde”, CAB pg.275

[15] “Imfumu Iyo Bakene” (60-0515M), par. 57, 69

[16] “Inshita ya Lukuta lwa Efese”, CAB pg. 93

[17] “Inshita ya kwa Mpana ne Cishibilo” (63-0818), par. 82-84

[18] “Icishibilo ca Ino Nshita” (63-1113), par. 124